

黃鵠山志

卷十二



黃鵠山志卷十一目錄

藝文 古今體詩

南樓

宋 七人

黃庭堅 七首

鄭震 二首

范成大 一首

陸游 一首

王十朋 一首

戴復古 一首

柳開 一首

國朝 十人

黃鵠山志 卷十一

目錄

陳大章 一首

徐乾學 一首

舒峻極 一首

桑調元 一首

王文治 一首

李鼎元 一首

蕭致良 一首

張家桀 一首

朱琦 一首

譚溥 一首

八極樓 楚觀樓

國朝 二人

顧景星 一首

程之楨 一首

壓雲亭



退補齋藏板

宋二人元一人

袁說友一首

王十朋一首

郝經一首

靜憩亭

宋一人

戴復古一首

一覽亭

宋一人國朝二人

王十朋一首

熊化龍一首

黃鵠山志

卷十一

目錄

退補齋藏板

楊澤閻一首

呂仙亭

一名呂公亭

元二人明一人

陳孚一首

余闕一首

管訥一首

仙棗亭

明二人國朝六人

郭正域一首

任家相一首

張九鉞二首

桑調元一首

王文治 一首

舒正載 一首

徐儒楠 一首

李樹瀛 一首

西爽亭 石鏡亭

國朝 二人

毛會建 一首

金德嘉 一首

湧月臺 湧月亭

太白亭

明 一人 國朝 二人

游士任 一首

顧景星 一首

桑調元 二首

黃鵠山志 卷十一

目錄 三

退補齋藏板

武昌 鄂渚

唐 七人 宋 二人 明 四人

岑 參 一首

王昌齡 一首

劉長卿 一首

劉禹錫 三首

武元衡 一首

朱慶餘 一首

呂 巖 二首

劉 過 一首

戴復古 二首

方孝孺 一首

李夢陽 一首

蔡汝楠 一首

王叔承 一首

黃鵠山志卷十一

永康胡鳳丹月樵編纂

藝文

古今體詩

宋黃庭堅

字魯直洪州分甯人庶子舉進士爲葉縣尉
歷祕書丞紹聖初坐修神宗實錄失實貶涪

州別駕黔州安置建中靖國初召還知太平
州復除名編管宜州卒自號山谷道人著有

山谷集

鄂州南樓書事四首

崇甯二年鄂州作

四顧山光接水光
凭闌十里芰荷香
清風明月無人管
併作南來一味涼

黃鵠山志

卷十一

藝文

一

退補齋藏板

畫閣傳觴容十客
透風透月兩明軒
南樓檠礪三百尺
天上雲居不足言

勢壓湖南可長雄
胸吞雲夢略從容
北船未嘗覩巨麗
複閣重樓天際逢

武昌參伍幕中畫
我亦來追六月涼
老子平生殊不淺
諸君少住對胡牀

山谷集

南樓畫閣觀方公悅二小詩戲次韻

十年華屋網蛛塵
大旆重來一日新
五鳳樓中修造手
箇中餘刃亦精神

重山複水繞深秋一見高賢獨倚樓手拂壁間留恨句
凌波微步有人愁同上

南樓

江東湖北行畫圖鄂州南樓天下無高明廣深勢合抱
表裏江山來畫閣雪筵披襟夏簟寒胸吞雲夢何足言
庾公風流冷似鐵誰其繼之方公悅同上

宋 鄭 震爵里未詳

鄂州南樓

洧熙六年冬十月我來獨自上南樓曉霧江山都不見

黃鵠山志

卷十一

藝文

二

退補齋藏板

霧收日出城東頭照見漢陽樹照見鸚鵡洲浪濤江漢
出岷峽洞庭雲夢天共流大船如龍捲雲碧小船如葉
飛鴻溝湘靈霞珮跨黃鶴洞庭玉笛橫清秋沈寥突兀
不可狀開闔風雨晴煙浮空中一一都照見今來古往
絲粟無限愁夜郎逐客心膽大醉欲搥碎醒又休此山
此水長不老英雄消盡山水留何當大雪夜明月摩挲
老眼看九州春風吹雪變紅錦牛羊被野邊無憂清雋集

再登南樓

客中南上倚層臺天闊雲收四面開雁帶岳陽秋曉過

浪涵巴峽影西來諸營種柳今何在老子登樓得幾回
自是江山雄壯處興亡不必問寒灰 同上

宋范成大 見卷七

鄂州南樓

誰將玉笛弄中秋黃鶴飛來識舊游漢樹有情橫北渚
蜀江無語抱南樓燭天燈火三更市搖月旌旗萬里舟
卻笑鱸江垂釣手武昌魚好便淹留 石湖集

宋陸游 見卷七

南樓

黃鶴山志 卷十一

藝文

三

退補齋藏板

十年不把武昌酒此日闌邊感慨深舟楫紛紛南復北
山川莽莽古猶今登臨壯士興懷地忠義孤臣許國心
倚杖黯然斜照晚秦吳萬里入長吟 劍南集

宋王十朋 見卷七

南樓

江漢西來於此會朝宗東去不須分銀濤遙帶岷峨雪
烟渚高連巫峽雲鸚鵡洲悲狂處士蛟龍池化故將軍
登臨長願如今日塵靜元規楚不氛 梅溪集

宋戴復古 字式之天台人嘗登陸游之門以詩鳴江湖間所居有石屏山因以為號遂以名集著有

南樓

鄂州州前山頂頭上有縹緲百尺樓大開窗戶納宇宙
高插闌干侵斗牛我疑腳踏蒼龍背下瞰八荒無內外
江渚鱗差十萬家淮楚荆湖一都會西風吹盡庾公塵
秋影涵空動碧雲欲識古今興廢事細看文簡李公文
本集

宋柳

開

字仲塗大名人初慕韓愈柳宗元為古文名
肩愈字希元後改焉開寶六年進士第歷官
環鄆曹代忻滄六州終於京使自號東
郊野夫又曰補亡先生著有河東集

黃鵠山志

卷十一

藝文

四

退補齋藏板

楚南樓

洗盡蠻烟几案空登臨直見楚山雄坐當鴻鵠高飛處
身在乾坤灝氣中木落有情瞻北闕霜輕無夢入西風
凭闌自是蓬瀛客獨對瀟湘興未窮
宋詩紀事

國朝陳大章

見卷八

春霽偕諸子登南樓

庾樓春暖柳新灣懷想風流不可攀畫棟光浮千樹色
碧窗晴映一峯間巫雲遠向三湘出衡雁遙從七澤還
極目重簷望江北片帆何處是燕山
江夏志

國朝徐乾學字原一號健菴崑山人康熙庚午進士第二官至刑部尚書著有愴園集

南樓

南樓月上時元規甚瀟灑長嘯踞胡牀縱橫命觴罍是
時方清晏江介無戎馬物望殷深源清言褚季野賓佐
堪留連山川足吟寫千古庾征西流傳入風雅一朝召
寇至宮省入亂蓬膝屈陶太尉心愧鍾侍中狼狽尙征
鎮茂宏愁西風負荷棟梁任終無分寸功猶餘清興發
差與名士同本集

舒峻極字嵩嶽號漸鴻廣濟人康熙時諸生著有韋園詩集

黃鵠山志

卷十一

藝文

五

退補齋藏板

南樓

炊烟斷處有危樓曾說庾公舊此遊但使姓名存異代
何堪城闕伴荒邱牛羊晚下霜前草鷹犬晴驕郭外洲
羌笛悲笳吹不徹天涯明月是中秋本集

國朝桑調元見卷七

南樓

睥睨飛凌履響逾剛逢明月滿南樓昔人曾發清宵興
今我還爲勝地游杯到千巡孤影醉笛當三弄萬家秋
鼠鬚飽漬留題處可有人傳老子不衡山集

王文治見卷九

登南樓偶憶貫休詩觀心未到無心處之句

又拂清風上庾樓貫休當日可曾休觀心便到無心處

依舊千般逐水流夢樓詩集

李鼎元見卷九

登武昌城南樓

山川簇錦上城頭記得當年客夜游明月烏啼黃鶴嶺

春風鷗泛白沙洲南湖樹色空中漾西塞嵐光眼底收

今日武昌誰作鎮肯從殷浩暫登樓師竹齋集

黃鵠山志卷十一

藝文

六

退補齋藏板

蕭致良字伯和常甯諸生

南樓遠眺

危樓高峙倚雲空檻外帆檣萬里通江水遠來巴子國

雄風高壓楚王宮鳳皇欲下簫誰引鸚鵡無言賦敢工

直擬憑虛馳八極雲雷何日羽毛豐沅湘耆舊集

張家集字靜安一字容常別號蓉裳湘潭人嘉慶辛酉舉人道光丙戌挑發知縣改官新化縣教諭著有蓉裳詩鈔

裳詩鈔

武昌阻雪登南樓眺望

南樓獨上暫憑闌客思無聊觸歲殘萬里風塵悲短劍

武昌暮雪擁征鞍燕雲北望金臺迴鄉樹宵昏丙舍寒

向夕鐘聲人散盡慈烏將子入林端

同上

國朝

朱琦

字伯韓臨桂人道光辛卯鄉試第一乙未進士由翰林歷官福建道御史在籍辦團練議敘道員後遊浙浙撫檄委總辦團練局督守清波門咸豐十一年城陷琦死之奏聞於朝

蔭卹如例著有怡志堂詩鈔

武昌南樓

洞庭一瀉八百里孤鶩冥冥衝遠天鄂渚荒涼半蘆荻
釣臺悵望空雲煙我思美人不可見每歌黃鵠徒爾憐
南樓取酒且獨飲何當報我瑤華篇

本集

黃鵠山志

卷十一

藝文

七

退補齋藏板

國朝譚溥

見卷七

登南樓寄懷羅仙舸

襄山何蒼茫襄水亦悠悠寸意觸瞻覽縹緲登南樓華
屋恣初意不及悲山邱氣會成遷移天地良懷憂如何
人間世物理難相求悵望西方人日夕空夷由

本集

國朝顧景星

見卷五

凍雨登八極樓招西印

昌云樓在江夏黃鵠山今廢

白日照綠草飛雨滃芳洲涼風一披拂可以登茲樓孤
高益地勢縹緲凌雲浮乳雀直上下行雲爲去留朱鵬

出劫火仙蹟還千秋昔日章華臺於今猶在不錦袍弄
明月玉笛乘扁舟曠觀冀來哲逸事景前修願與庾公
暇放神八極游籌邊有餘力高駕時當投

白茅堂集

國朝

程之楨

見卷七

登楚觀樓

巨靈切石如棗梨穹窿劃斷成長蹊高觀其東黃鵠西
一樓插雲雲光低上有螺旋蟻磨青天梯下有摩肩擊
轂往來不絕轟輪蹏天遣石城扼腹背山河蜿蜒蟠虹
霓萬家烟火在指掌半空沙鳥懸樓題大江東折束如
黃鵠山志

卷十一

藝文

八

退補齋藏板

帶落日倒射紅玻璃樓之故址始有唐高閣建自牛奇
章越明宏治歲己未方伯請命從藩王歸然特起勢壯
麗煌煌一記書東陽鐘鼓鏜鞳聞四野幅員廣袤安蠻
疆漢京備盜此遺製豈徒選勝供徜徉明代迄今歷年
所斯樓橫互天中央康熙重建閣乾隆誰嗣葺者秋帆
公公昔秉鉞制荆楚召伯之棠將毋同樓中風月長不
死古人往矣悲填胸青楓葉落楚江冷黃巾銅馬聲洶
洶鯨鯢若山走淮海邊疆鼓啞無李崇安得漁陽三搥
起樓上輓雷殷風隆隆一豁人境萬古千秋聳

維周詩鈔

袁說友 字起巖建安人寓湖州乾興元年進士嘉泰中官至同知樞密院參知政事著有東塘集

同鄂州都統制司登壓雲亭

一帶城頭四望全壓雲亭上更無邊手攀北斗輕飛肉

目盼南樓僅及肩城郭千年高復下江湖萬里後還先

大江在前東湖在後平生頗負昂霄志便欲乘風送上天 本集

宋王十朋 見卷七

登壓雲亭贈趙都統

早將忠義立殊勲鄂渚登臨氣壓雲他日雲臺觀畫象

須臾壓盡漢將軍 梅溪集

黃鵠山志 卷十一

元郝經 見卷七

藝文

九

退補齋藏板

壓雲亭

重嶺繚郭峻高亭下臨鄂艤艫斷江流甲騎蹙城腳拒

命始進攻鐵匝長圍合顧已無頭陀徑欲椎黃鶴謁王

登巉巖再拜瞻日角王氣壓江山曠朗天宇豁十月汗

沾裳敷奏初不覺詔賜金叵羅禮酒焉敢嚼絲綸重開

喻滿面春風著撫膺還自頌不負生平學須臾動金鉞

猛士徹虎幄龍起皆雲從青山萬馬落 郝文忠公集

宋戴復古 見卷七

鄂州戎治靜憇亭

幽亭何處尋巖樹碧森森獨坐生雲石少安經世心伴
人雙鶴立多事一蟬吟提劍翻然起中原秋草深

宋王十朋

見卷七

一覽亭

危亭頂鄂渚欲上初不敢肩輿躡崢嶸眼界驚坎窞青
山繚江湖煙雨扶濃淡千帆破滄浪萬里照菡萏大澤
胸可吞秀色手宜攬形勢控上游天險卦伴坎登臨吹
帽追秋聲在葭莢銜杯情有欣懷古意多感兩雄孫與
黃鶴山志

卷十一

藝文

十

退補齋藏板

劉壯志鯨鵬噉赤壁去阿瞞功業炳鉛槧黃鶴去何之
靈竹色猶慘樓餘庾公興洲遺正平憾北望舊中原激
裂壯士膽何由登太山一快天下覽

梅溪集

國朝

熊化龍

字笏山湘陰人太學生著有白雲詩草

一覽亭

乾坤歸一覽倚檻武昌城雲樹邊關冷風濤晝夜聲英
雄空萬古歌苦信餘生獨酌斜陽裏銷磨不世情

本集

國朝

楊澤闡

見卷十

一覽亭

飛亭縹緲接層空樹影嵐光一望同但聽人聲潮水上
似隨鶴語入雲中江從東去流初大風自南來勢亦雄
鸚鵡洲前芳草地落霞空襯夕陽紅

石沔詩略

元陳

孚

見卷七

呂仙亭

昔日呂仙遊洞庭玉簫吹裂蘆花汀秋空一劍忽飛去
夜月千山煙冥冥天地茫茫烏兔急波濤洶洶蛟螭腥
起呼老樹欲與語濕露亂灑蒼痕青

交州稿

元余

闕

見卷七

黃鵠山志

卷十一

藝文

十一

退補齋藏板

呂公亭

鄂渚江漢會茲亭宅其幽我來窺石鏡兼得眺芳洲遠
岫雲中沒春江雨外流何如乘白鶴吹笛過南樓

本集

明管

訥

見卷七

呂仙亭

道人高坐朗吟亭古蹟因知此地靈劍氣飛來湘水白
笛聲吹入楚山青階前丹棗何年熟枕上黃粱幾日醒
快我登臨塵事隔摩挲蒼蘚讀碑銘

松風餘韻

明郭正域

見卷七

仙棗行

仙棗千年不肯實一朝結果大如瓜何來小吏偷啖之
須臾白日飛紫霞我聞火棗不可得無乃秦王海中黃
布之舊花不然安期所遺之故核朱繒紅玉圍青紗又
聞王母降漢室玉門仙棗紛如麻蕊珠滿樹皺絳雪金
丸綴葉團丹砂神仙靈藥各有分我欲剝棗手難擎亭
子高高催飛雨鱗鬣碧瓦搖風沙至今巖畔多老棗殘
根剝落纏枯槎糟啣古籐支綠蟻蜂飛暗葉藏青蛇那
知不有神仙至再看老枝生萌芽安得纍纍撲滿地飽

黃鵠山志

卷十一

藝文

十一

退補齋藏板

食江城百萬家

江夏志

明

任家相

字白甫江夏人為諸生時有聲庠序間學使
金省吾憐其才貢於廷試第一萬麻戊子舉

北闈鄉試甲辰乞署婺源學博升翰林院待
詔充福王講官乙卯卒於官崇祀鄉賢著有

雲龍閣集

和郭太史仙棗行

仙人手自種仙棗森如赤玉甘如瓜礫礫孤榦排文石
纂纂繁枝綯綯霞嶂嵒嵒萬歲膏方實海上千秋葉始花
太真玉門餐絳雪神女香厨護碧紗半服通靈蛻凡骨
坐看滄海成桑麻小吏豈是東方兒偷啖勝食光明砂

仙踪恍惚不可見惟餘空亭老棗奇樹幹枝相紛拏天
風時吹仙籟響月明石鏡映江沙偶披蒙茸據棗下疑
泛銀河捫巨槎莓苔錯落綴星斗根荖盤互糾龍蛇不
逐羣菲爭物色潛回春色勢靈芽上林十四株非異那
得移根帝子家

陶園詩集

國朝

張九鉞

見卷七

呂仙亭棗樹

草木稟元化一氣爲枯榮奈何仙亭棗狡獪殊羣英如
瓜實已歸杈枒卧前楹醅嬉曠劫中不滅亦不生雷霆

黃鵠山志

卷十一

藝文

十三

退補齋藏板

避朽骨日月扶孤撐斂斂蒼龍皮笑怒黃鵠精將毋玉
門核金液潛鍊形乾坤寂無言菁華戒其盈我逐寒笛
飛來往嶠上城不知身將老摩抄思勾萌種者非荒唐
胡爲隱姓名我欲問白雲雲空大江橫

同上

仙棗亭同蔡芷衫作

我從海上來不見安期棗卻逐寒笛聲同上武昌嶠當
時回道入狡獪毋乃巧太守不能仙小吏安足道如瓜
一飛去蔚藍天浩浩空餘兩槎枒茫然對人老沈吟萬
年中何以閱昏曉昔人此亭作今人此亭保短牆繚繞

之冠蓋笙歌擾其上罡風吹其下白雲埽誰窮九地根
誰酌三漿飽徒臥乾坤癡不受江山槁黃龍縮其皮那
肯露鱗爪素月一迎之鶴影瘦天矯我思金精液不敵
一樽醪心爲玉門核骨作嶠嶂寶神女笑於人摩挲亦
草草會當擲其餘使子顏色好棋響若有人種者自三
島叱叱先生來請問實多少 同上

國朝

桑調元

見卷七

仙棗亭

悲歌徒纂纂枯榦轟巖壑遙想幽人剝甯隨禹貢包亭

黃鶴山志

卷十一

藝文

十四

退補齋藏板

基餘石蝨月影亂枝交秋實偕梨栗村翁瀉斗筲投懷
見心赤入口免牙膠絕少如瓜樣搖來古樹梢吏隨黃
鶴駕人望白雲坳未得羅盤案空思佐酒看仙踪多奇
渺楚語自紛淆方士留徵信荒唐一解嘲 恆山集

國朝

王文治

見卷七

仙棗亭

仙棗枯來似古楂廢闌荒砌臥煙霞只今黃鶴樓頭月

曾照當年一樹花

夢樓詩集

國朝

舒正載

見卷九

仙棗亭

迢迢亭子俯江波江上風帆日日過佳樹極能留客坐
名山初不厭詩多仙家酒市招黃鶴漁父煙村著綠蓑
共是人間行樂地桑麻到處有絃歌

竹根齋詩集

國朝徐儒楠

見卷十

仙棗亭

仙棗亭中一睡仙長眠此地幾千年人間煙火羞同食
海上安期別有天

望雲閣詩集

國朝李樹瀛

見卷七

黃鵠山志

卷十一

藝文

五

退補齋藏板

仙棗亭晚眺

最高亭上暮天晴紅燭清樽列席明檻外江山搖秀影
樹頭風雨變秋聲戟門官鼓初更定水艦銀燈萬點生
直待層霄涼月起一輪相照夜街行

棲雲山房詩鈔

國朝毛會建

字子霞別字容山武進人少屬越補錢唐弟
子員以副貢除樂昌令國初避跡嶺海歷黔

入楚僑居江夏工文善詩
尤工書法年七十餘卒

西爽亭

庚子初夏余西崖夏人淑於黃鵠之西巖
得西爽二字石碣書法適古非近時人筆
相期結亭其上因
賦此以贊決之也

天高地下河山逸齷齪滿前人易老何當一氣相周旋

惟有長空淨如埽此氣四空同不磨長庚映之益光皦
有時逼人眉宇間霜稜日角常矯矯有時注人胸臆中
冰壺玉尺常皎皎我遊黃鶴凡幾年鵠城石鏡恣探討
曾聞巖畔有奇字西爽勒石當空宵薛蝕蟲斑字剝落
土花瘞影不可考余子夏子曰搜奇忽然見之白雲表
削壁周遭如割方照人光潔同裂縞兩字崢嶸不盈尺
漏痕釵腳都完好不書一作盡人地不書一作盡年一片精
醜成紹繚信如此氣堅不磨入石千齡靜相保二公好
事復耽詩大言小言皆絕倒更許他時爲結亭翼然端
黃鵠山志

卷十一

藝文

六

退補齋
藏板

不讓仙棗我昔岫嶠訪禹碑摹刻大別稱工巧湧月高
臺近咫尺曹公落筆非草草從此隔江還鼎峙沐日浴
月是三島白雲黃鶴任去來永爲河山作琛寶詩成與
爾傾百觴目光四射天地小

江夏志

國朝
金德嘉

見卷七

石鏡亭

有物胚胎萬象先一輪皎潔自中天照殘今古妍嬈事
歷盡乾坤大小年雲夢春星低共曙洞庭秋水遠生煙
從茲直上崑崙頂探取河源銀漢邊

江夏志

明游士任字肩吾世爲嘉魚人徙江夏萬麻庚戌進士仕長興知縣遷廣西道御史

湧月臺

登臺一長嘯鶴驚雲欲徙極目盡太虛太虛正一作盡如

洗光浮石骨寒沫噴金沙起蕭然見短碣錐畫逼籀史

蒼蘚石斷紋古香從荒圮一作一依稀聞鐵笛梅花落其

裏北下豁古洞可有青泥髓湖廣通志

顧景星見卷五

湧月臺石上三大字在黃鶴樓左舊傳曹孟德書誤也

不見卻月成鮑明遠詩夏口樊城岸曹公卻月成虛傳湧月臺月來照石

黃鶴山志卷十一藝文十七藏板見補齋

鏡月去暗蒼苔有客攜樽至何人吹笛來浮雲何處所

嘗傍大江隈本集

桑調元見卷七

湧月亭

月輪起東海亭勢壓南邦浩渺明遙夕團團湧大江置

身渾絕地豁眼不安窗窳堵波移影陽阿曲換腔蛟螭

回遠壑商旅下連艘鶴駕飛仙過鯨鐘羽士撞漢陽凝

翠靄湖口激奔瀧隔岸山如簇沿磯樹似幢行踪長落

落事業謝攢攢但以持螯手從教倒酒缸詩憐少陵杜

入是鹿門龐凍鵲枝栖百驚魚浪躍雙巖城擊宵柝古
院閃冬缸獨立耽佳景清暉憶石淙

恆山集

太白亭

太白曾遊覽危亭俯水涯詩篇崔顥在身世禍衡乖樓
上閒雲影洲中宿草荜梅花飛五月玉笛響層厓夏口
風情暢長沙日色靈登臨聊寄興遷謫不縈懷空翠遙
山疊枯枝古樹排官軍簇鑣轡游女墮簪釵勝概留茲
土深情屬我儕千秋去黃鶴一輛過青鞋嘯傲滄洲獨
歌呼下里皆清瀾翻白漢濁酒倒如淮久忘頭盈雪甯
黃鵠山志

卷十一

藝文

大

退補齋藏板

雙眼揩霜空澄萬象景物最清佳

恆山集

唐

岑

參

南陽人文本之後登天寶三年進士由歸府
參軍累官右補闕改起居郎尋出為虢州長
史復入為太子中允代宗總戎陝服委以書
奏之任由庫部郎出刺嘉州杜鴻漸鎮西川
表為從事以職方郎兼侍御史領
幕職使罷流寓不還遂終於蜀

送費子歸武昌

漢陽歸客悲秋草旅舍葉飛愁不埽秋來倍憶武昌魚
夢魂只在巴陵道曾隨上將過祁連離家十年恒在邊
劍鋒可惜虛用盡馬蹄無事今已穿知君開館常愛客

擣菹百金每一擲平生有錢將與人江上故園空四壁
吾觀費子毛骨奇廣眉大口仍赤髭看君失路尙如此
人生貴賤那得知高秋八月歸南楚東門一壺聊出祖
路指鳳皇山北雲衣沾鸚鵡洲邊雨勿歎蹉跎白髮新
應須守道勿羞貧男兒何必戀妻子莫向江邨老卻人

唐王昌齡

字少伯京兆人登開元十五年進士第補祕書郎二十二年中宏詞科調汜水尉遷江甯丞著有江甯集六卷今編存四卷

送人歸江夏

寒江一作天

綠水楚雲深莫道離憂遷遠心曉夕雙帆歸

黃鵠山志

卷十一

藝文

十九

退補齋藏板

鄂渚愁將孤月夢中尋

全唐詩

唐劉長卿

鄂渚聽杜別駕彈胡琴

文姬留此曲千載一知音不解胡人語空留一作愁楚客

心聲隨邊草動意入隴雲深何事長江上蕭蕭出塞吟

唐劉禹錫

字夢得彭城人貞元九年擢進士第登博學宏詞科從事淮南幕府入爲監察御史著有劉賓客文集外集

武昌老人說笛歌

武昌老人

一作將

七十餘手把庾令相問書自言少小

一作

少年學吹笛早事曹王曾賞激往年鎮戍到一作征蘄州

楚山蕭蕭笛竹秋當時買材恣搜索典卻身上烏貂裘

古苔蒼蒼封老節石上一作山孤松飽風雪商聲五音一作

商音五聲隨指發水中龍應行雲絕曾將黃鶴樓上吹一聲

占盡秋江月如今老去語尤一作興遲音韻高低耳不知

氣力已微心尚在時時一曲夢中吹全唐詩

鄂渚留別李二十一表臣大夫

高檣起行色促柱動離聲欲問江深淺應如遠別情同上

始發鄂渚寄表臣二首

黃鵠山志 卷十一 藝文 手 退補齋藏板

祖帳管絃絕客帆西風生回車已不見猶聽馬嘶聲

曉發柳林戍遙城聞五鼓憶與故人眠此時猶晤語同上

唐武元衡 字伯蒼河南緱氏人唐建中四年登進士第累辟使府至監察御史後改華原縣令德宗

知其才召授比部員外郎歲內三遷至右司郎中尋擢御史中丞順宗立罷為右庶子憲

宗即位復前官進戶部侍郎元和二年拜門下侍郎平章事出為劍南節度使八年徵還

秉政早朝為盜所害贈司徒諡忠愍

鄂渚送友

雲帆淼淼巴陵渡煙樹蒼蒼故郢城江上梅花無數落

一作發送君南浦不勝情全唐詩

唐朱慶餘名可久以字行越州人受知於張籍登寶曆進士第

鄂渚一作夏口送白舍人赴杭州

豈知鸚鵡洲邊路得見鳳皇池上人從此不同諸客禮

故鄉西與郡城鄰同上

唐呂巖見卷三仙釋

鄂渚悟道歌

縱橫天際爲閑客時遇季秋重陽節陰雲一布徧長空
膏澤連綿滋萬物因雨泥滑門不出忽聞鄰舍語丹術
試問鄰公可相傳一言許肯更無難數篇奇怪文入手

黃鵠山志卷十一

藝文

三

退補齋藏板

一夜挑燈讀不了曉來日早纔看畢不覺自醉如恍惚
恍惚之中見有物狀如日輪明突岫自言便是丹砂精
宜向鼎中烹凡質凡質本來不化真化真須得真中物
不用鉛不用汞還丹須向爐中種玄中之玄號真鉛及
至用鉛還不用或名龍或名虎或號嬰兒并姪女丹砂
一粒名千般一中有一爲丹母火莫燃水莫凍修之煉
之須珍重直待虎獻折顛峯驪龍奪得玄珠弄龍吞玄
寶忽昇飛飛龍被我捉來騎一翥上朝歸碧落碧落廣
潤無東西無曉無夜無年月無寒無暑無四時自從修

到無爲地始覺奇之又怪之 全唐詩

又記

數載樂幽幽欲逃寒暑逼不求名與利猶恐身心役苦
志慕黃庭慙懃求道跡陰功暗心修善行長日積世路
果逢師時人皆不識我師機行密懷量性孤僻解把五
行移能將四象易傳余造化門始悟希夷則服取兩般
真從頭路端的烹煎日月壺不離乾坤側至道眼前觀
得之元咫尺真空空不空真色色非色推倒玉葫蘆迸
出黃金液緊把赤龍頭猛將驪珠吸吞歸臟腑中奪得
黃鶴山志 卷十一 藝文 三 退補齋
神仙力妙號一黍珠延年千萬億同途聽我吟與道相
親益未曉真黃芽徒勞遊紫陌把住赤烏魂突出銀蟾
魄未省此中玄常流容易測三天應有路九地終無厄
守道且藏愚忘機要混迹羣生莫相輕已是蓬萊客 同上
宋 劉過 字改之自號龍洲泰和人以詩俠稱湖海間
宋紹熙中上書爲一時推重與陳亮陸游辛
棄疾相交好晚年客崑山
尋卒著有龍洲道人集

憶鄂渚

我離鄂渚已十年吳兒越女空華鮮不如上游古形勢
四十餘萬兵籌邊中原地與荆襄近烈士烈兮猛士猛

澤連雲夢寒打圍城接武昌曉排陣書生豈無一策奇
叩闥擊鼓天不知卻思仙人白玉笛胡牀醉倚南樓吹
貂蟬兜鍪兩岑寂若耶溪傍還作客空餘黃鶴舊題詩
醉筆顛狂驚李白

本集

宋戴復古

見前

鄂渚張唐卿周嘉仲送別

武昌江頭人送別楊柳秋來不堪折漢陽門外望南樓
昨日不知今日愁英雄握手新相識人情政好成南北
酒闌人散最關情一雁西飛楚天碧

中興羣公吟藁

黃鶴山志

卷十一

藝文

三

退補齋藏板

鄂渚煙波亭

倚遍南樓到鶴樓小亭瀟酒最宜秋接天煙浪來三峽
隔岸樓臺又一州豪傑不生機事息古今無盡大江流
凭欄日暮懷鄉國崔顥詩中舊日愁

同上

明方孝孺

字希直一字希古世居臨海侯城里建文朝召爲翰林博士進侍講靖難時以死殉著有

遜志齋集四十卷

江山萬里圖

我昔奉勅辭金闕西下巴川持使節仙槎二月出龍河
萬里春風掉晴雪吳江茫茫入杳冥權歌初過蛾眉亭

錦袍不見李供奉白雲遮斷三山青烟蕪漲綠知何地
白鳥雙雙沒淮樹片帆風滿疾如飛矯首驚看沂流去
大孤小孤橫雪波匡廬五老青嵯峨九江秀色嘆奇絕
半空飛瀑懸銀河推篷竟日閑吟倚瞬息舟移洞庭水
君山如黛壓中流十二烟鬟鏡光裏好山遠自峩眉來
瀟湘練明天際開疑峯九點落空翠重華孤墳安在哉
武昌地轉多遺迹隔岸烏鳴瞻赤壁烟焰旌旗魏武兵
綸巾羽扇周郎策扶醉曾登黃鶴樓漢陽城對鸚鵡洲
卽從鄂渚櫂明月沂流直上窺荊州夷陵山勢多重疊

黃鶴山志

卷十一

藝文

十四

退補齋藏板

楚樹蠻雲遠相接欲向夔城入錦城還於巴峽穿巫峽
神女峯前路欲迷瞿塘灑瀕聞猿啼五溪越盡見雪嶺
但見青天鳥道低萬里橋西看立馬足跡經遊半天下
愧無草檄擬相如笑擲橐金輕陸賈今年詔許臨丹邱
夢中往往驚羈愁江山誰寫入圖畫眼中歷歷如經游
岸中一覽發長嘯滿襟爽氣高堂秋

列朝詩集

明李夢陽

字獻吉慶陽人徙扶溝宏治癸丑進士官至江西提學副使著有空同集

夏口夜泊別友人

黃鶴樓前日欲低漢陽城樹亂烏啼孤舟夜泊東遊客

恨殺長江不向西 列朝詩集

明 蔡汝楠

字子木德清人嘉靖壬辰進士年十八除行人遷南京刑部郎出守衡州官至兵部侍郎

自岳陽泛舟下武昌呈姚巖二使君

炎天征路洞湖邊聯駐油幢訪洞仙徒從便隨漁客棹

烟波誰認使君船鴨欄落水沙痕出魚浦濃陰樹影連

行望江樓黃鶴近白雲如待意悠然 列朝詩集

明 王叔承

初名光胤以字行更字承父晚字子幻吳江人少孤受博士業悲歌縱酒徧游吳越湘楚遺書數千言爲王元美所推服

黃鵠山志 卷十一

鐵笛歌 有序

藝文

三五

退補齋藏板

陳生楫家本武昌始祖以開國功官海上祖有鐵笛名鐵龍失之且二百年矣有客自海上持來生解裘贖之制古聲烈因沽酒弄梅花調余歌焉

武昌老笛名鐵龍洪武之間來浙東江湖萬里忽相失

當時哭死陳家翁流落人間二百秋蒼龍化去青天恣

子孫異世覓宗器漢家寶劍周天球或言橋李豪家得

夜夜龍光射南極十年空費陳生心購問慚無萬金值

一朝海客持相換生脫貂裘婦釵釧合浦重歸明月珠

精魄似識先人面太古琅玕輕欲折孔竅參差頭尾裂
丹砂錯落水銀花苔痕蝕盡并州鐵薄如藤紙枯如木
燈前三弄秋聲蹙萬點梅花灑席寒半夜空山扣哀玉
羌兒虎踞鳴塞鴻怪蛟人立吹烟竹憶昔汝祖浮洞庭
瀟湘片月開黃陵純陽真人坐黃鶴漢江綠酒傾瑤瓶
飄然將笛下東海鐵龍聲斷江風腥汝今與笛竟何適
楚水吳山愁客星汝祖從戰鄱陽漬佩刀曾佐高皇勲
歎汝飄零把孤笛丹青竟作曹將軍半生我亦懷青蘋
袖來不用生龍鱗不如黃鶴樓前換酒聽吹笛與君醉

黃鶴山志

卷十一

藝文

三

退補齋藏板

殺湘江春

列朝詩集

黃鶴山志卷十二目錄

藝文 古今體詩

擱筆亭

國朝 二人

彭崧毓 一首

李樹瀛 一首

呂仙閣

留雲閣

斗姥閣

國朝 四人

張開霽 一首

程之楨 一首

戴毓瀛 一首

李樹瀛 一首

黃鶴山志

卷十二

目錄

退補齋藏板

費禕洞

呂公洞

呂仙祠

唐 一人 宋 一人 明 一人

李宗孟 一首

蕭德藻 一首

楊基 一首

胡文忠公祠

國朝 四人

王柏心 一首

胡兆春 一首

車元春 一首

胡鳳丹 一首

北榭

鄂州雜詠

勝像寶塔

明一人 國朝一人

管 訥一首

嚴 觀二首

具美堂 江城別墅

國朝三人

車元春二首

王柏心一首

彭崧毓一首

頭陀寺

唐五人 宋三人 國朝三人

李 涉一首

項 斯一首

黃鵠山志

卷十二

目錄

一一

退補齋藏板

李 頻一首

來 鵠一首

錢 珙一首

黃庭堅一首

陸 游一首

賀 鑄一首

胡作舟一首

舒峻極一首

錢桂林一首

洪山 洪山寺 寶通寺

明六人 國朝二十二二人

楚端王五首

武岡王五首

管 訥三首

葉澤森一首

許大定 一首

袁中道 一首

馮廷樾 一首

施閏章 一首

陳廷敬 一首

阮玉堂 一首

熊賜履 一首

劉朝英 一首

崔應階 一首

顧景星 一首

陳大章 一首

舒峻極 一首

韓奕 一首

王為壤 一首

吳元俊 一首

劉涪 一首

徐儒楠 一首

譚溥 一首

黃鵠山志 卷十二

目錄

三

伍肇齡 一首

何璟 一首

彭瑞毓 一首

劉國香 一首

錢桂林 一首

胡鳳丹 一首

長春觀

國朝 一人

王柏心 二首

詞附

宋 王質 一闋

宋 無名氏 一闋

退補齋藏板

黃鵠山志卷十二

永康胡鳳丹月樵編纂

藝文 古今體詩

國朝 彭崧毓 見卷十

擱筆亭

擱筆伊誰構此亭癡人說夢幾時醒竟忘斗酒詩無敵

直信花生管不靈捉月何曾江上見落梅爭忍笛中聽

五日落梅遷客寓言非佳語也今人乃以為鶴樓故事 廓清賴有如椽筆淨埽煙

雲睹日星 本集

黃鵠山志 卷十二

藝文

一

退補齋藏板

國朝 李樹瀛 見卷七

擱筆亭

空前絕後一枝筆除卻杜陵世無匹萬丈光芒照古今

筆之所到風雨疾捶碎黃鶴樓踏翻鸚鵡洲放筆長歌

隘宇宙崔顥何人敢與儔有亭屹立樓下路言是謫仙

擱筆處上頭有詩不再題想見虛懷斂抑時天地生才

無時無妄自尊大胡為乎介甫誤國由自恃睥睨當時

無一是不循故轍矜私智任意更張敗厥事況復雕蟲

祇小技驕吝罔顧識者鄙古來堅僻自用人白眼相土

皆如此偉哉青蓮曠代才黃河之水天上來上軼屈宋
凌漢魏百家俱在包羅內譬之東海納百川不嫌倣作

鳳臺篇

世謂鳳凰臺詩倣崔作

本集

國朝

張開霽

見卷七

雨後登黃鶴山呂仙閣眺望

高閣憑虛敞綠櫺坐看烟霧遠冥冥浪頭都被風催白

山色從教雨洗青江上鷗盟真自負檐端燕語好誰聽

癡心欲借仙人鶴騎上橫飛過洞庭

寄巢集

國朝

程之楨

見卷七

黃鶴山志

卷十一

藝文

一一

退補齋藏板

月夜偕黃春石李仲雅汪笛樓小憩留雲閣

檻外碧雲落高秋河漢橫天風吹玉笛隨夢過江城潮

湧燈無色帆飛月有聲言招古時鶴矯首問長庚

維周詩鈔

國朝

戴毓瀛

見卷十一

六月十九日大風登黃鶴樓斗姥閣

時同游陸葆恬將有黃州

行之

長風捲水勢奔雷傑閣登臨亦快哉兩岸人家見燈火

半江雲氣失樓臺我來尙憶瓜皮艇別後難忘李白杯

此際豪情增百倍何勞江雨爲詩催

鸚鵡才名天下重，鳳凰山色晚來青。黃州此去同招隱，采筆何年更乞靈。風過湘蘭迷曉露，月明漢柳帶秋星。滄江一棹煙波遠，愁盼征鴻下蓼汀。
國朝 李樹瀛 見卷七 湘花館燼 餘詩草

登斗姥閣

崔嵬傑閣動高秋，縹緲仙雲曉未收。金口峯巒煙際合，

漢陽城郭樹中浮。數聲疏磬諸天靜，一線長江劃地流。

自古登臨遷客意，狂歌濁酒半句留。
本集

唐 李宗孟 江夏人，年十一以茂才舉召試舍人院，見江夏縣志選舉

黃鵠山志 卷十一

藝文

三 退補齋藏板

費禕洞

空遺費仙跡，不見庾公遊。草木有新色，江山餘故愁。
全 唐詩

宋 蕭德藻 字東夫，閩人，紹興二十一年進士，嘗令烏程後遂家焉，所居屏山自號千巖，老人有千巖

稿擇

呂公洞

復此經過三十年，唯應巖谷故依然。城南老樹朽為土，

簷外稚松青拂天。枕上功名祇擾擾，指端變化又元元。

刀圭乞與起衰病，稽首秋空一劍仙。
宋詩紀事

明楊基見卷八

呂仙祠

兩點方瞳漆有光紫髯眉綠面如霜
千年一笑來黃鶴三度長吟到岳陽
日月自隨天地老江山不為古今忙
又攜鐵笛瑤池去亂插桃花笑一場

眉巷集

國朝王柏心見卷十

謁胡文忠公祠

碑並羊開府祠同葛武鄉風雲仍壁壘
江漢復金湯晴昔叨咨訪迂疏許激昂
英靈今始接揖客晚升堂

漆室吟

黃鵠山志

卷十一

藝文

四

退補齋藏板

國朝胡兆春字東谷漢陽人道光乙未舉人著有尊聞堂詩鈔

胡文忠公祠感懷

肅肅宗臣遺像留雲旗縹緲楚江頭
十年籌策吞吳會百世烝嘗戀鄂州
誰似信陵能下士人憐李廣不封侯
畫船簫鼓爭南去幾輩停橈問鶴樓

本集

國朝車元春見卷十

謁胡文忠公祠

凜凜鬚眉肅拜瞻大儒循吏一身兼
艱難籌餉瘡痍振痛哭論兵鼓角嚴
麾下偏裨多將帥匣中遺墨盡韜鈴

當年首創東征議士卒於今惠澤霑

本集

鳳朝
胡鳳丹

讀益陽胡文忠公集

海水橫飛坤維裂大江南北無完堞誰歟隻手迴狂瀾
益陽胡公光日月昔游京華聞公名簪筆供奉蜚英聲
今來楚水讀公集謀國誠心貫金石武庫胸中無不有
算無遺策展抱負焚香薦士酬主知最難肝膽相傾剖
公之經綸始守黔經文緯武才相兼 聖主用賢破常

格福星一路輶圍禱公之勲名在撫楚是時半壁皆豺

黃鵠山志

卷十二

藝文

五

退補齋藏板

虎誓師江上仗忠義立變羸軍成勁旅公言保楚必征
東不分畛域不爭功輿疾討賊何慷慨一腔熱血殷如
虹公曰我病不言病精力雖枯氣猶勁枕戈日夜治軍
書死生身外聽天命黃鶴樓頭落大星武昌柳色歎凋
零百萬軍民齊墮淚嗚咽江聲不忍聽

退補齋詩存

明管

訥 見卷八

北榭

舊家行樂小亭臺珠箔青山罨畫開花月當時人已散
柳風今日燕還來舞鈿猶委宮牆草步障曾過輦路苔

一代繁華易銷歇白榆霜冷雁聲哀

松風餘韻

國朝嚴

觀

字子進江甯人嘉慶初客武昌依節署畢督部幕中著有湖北金石詩七十八首馬通守紹基各爲之案以附於後

鄂州重修北榭記

北榭碑初見芳蹤何處尋隨隄思往蹟一徑繞山陰空見南樓月中懸照茂林高飛見雙鷺歸去有餘音循長欽太守觸景發慈心減賦省刑罰能祈甘霖霖斯風應再得盼室我情深重過豐碑側披襟一朗吟

湖北金石詩

鄂州雜詠

行書在黃鶴樓

黃鶴山志

卷十一

藝文

六

退補齋藏板

夢得天孫錦裁成隱士衫翺翔倩黃鶴何意出塵凡費禱心思訪逢仙認呂巖臨風揮玉塵談笑啓金函雲布青山密星離照錦帆乞仙示名字不肯署頭銜一笑翻然悟新詩見石鑱拓來黏素壁勤免日開緘

同上

勝像寶塔

一塔峙磯頭氣與岑樓接豈思鎮洪濤願人總利涉至今楚江前來往舟如蝶乘風破浪行未見人心懾念彼威順王令子何妥帖具此濟川功失名未允協按史名雖知四人豈共楫臆斷我如斯興闈因涉獵

同上

國朝 車元春 見卷十

具美堂觀弁山尚書小照并稚存學士詩石刻

尚書畢卓鬚眉在弟子洪厓涕泪橫海內龍門誰繼起

空將遺碣拜先生 本集

國朝 王柏心 見卷十

偕漁叟過江城別墅留題

高樓鶴化杳難攀游墅新開石磴間亂定江山憑堞壯

天晴花柳送春還空嗟射獵將軍老但許圍碁太傅閒

謂蓮峯 谷口商巖隨處是何須高蹈出塵寰 漆室吟

黃鶴山志 卷十一

國朝 彭崧毓 見卷十

江城別墅為袁蓮峯作

舉目河山未盡非宦遊人竟及時歸安排茶竈新棋墅

料理漁竿舊釣磯成竹在胸圖畫好焦桐未製賞音稀

隔江興廢知多少閒倚闌干看落暉

與君同長大江濱獨羨神仙近結隣良有因緣成善果

君有興善莊度地構居規模式廓人謀既臧天亦助焉 斷無名勝委荒榛眼前風

月原公物亂後琴尊幾舊人笑我歸來仍逆旅杖藜幸

是四朝民 求是齋詩存

藝文 七 退補齋藏板

車元春 見卷十

江城別墅留贈袁蓮峯觀察

鵝磯高處鎖煙鬟解組歸來興未闌
窈窕軒窗水晶域逍遙風月列仙班
詞填茶熟香溫候韻在銅琶鐵板間

如此才華如此福使君真不負江山 本集

唐李涉 濟陽人初與弟渤同隱廬山後應陳許辟憲宗時為太子通事舍人尋謫峽州司倉參軍太和中為太學博士復流康州自號清谿子著有詩集二卷

早春發頭陀寺寄院中

紅樓金刹倚晴岡雨雪初收望漢陽
草檄可中能有暇

黃鵠山志 卷十二 藝文 八 退補齋藏板

迎春一醉也無妨 全唐詩

唐項斯 字子遷江東人會昌四年擢第終丹徒尉著有詩一卷按江夏志誤載許彬作全唐詩

係項斯作

頭陀寺上方

高步陟崔巍吟閑路惜迴寺知 一作從 何代 一作方 有僧見

一作是 梵宮來暮靄連沙積餘霞徧檻開
更期招靜者長

嘯上南 一作方 臺 全唐詩

唐李頻 字德新睦州壽昌人大中八年擢進士第調祕書郎累遷建州刺史著有梨岳集

鄂州頭陀寺上方

高寺上方無不見天涯行客思迢迢西江帆挂東風急
夏口城銜楚塞遙沙渚魚歸多溼網桑林蠶後盡空條
感時歎物尋僧話惟有禪心得寂寥 本集

唐來 鷓 豫章人咸通中舉進士不第

鄂渚清明日與鄉友登頭陀山

冷酒一杯相勸頻異鄉相見 一轉相親落花風裏數

聲笛芳草煙中無限人都大此時深悵望豈堪高處 一作

境更逡巡思量費子真仙子不作頭陀山下塵 全唐詩

唐錢 珣 字瑞文吏部尚書徽之子善文詞宰相王溥薦知制誥進中書舍人後貶撫州司馬著有

黃鵠山志 卷十一 九 藝文 退補齋藏板

舟中集

舟行

乘舟維夏口煙野獨行時不見頭陀寺空懷少婦碑 本集

宋黃庭堅 見卷七

頭陀寺

頭陀全盛時宮殿梯雲級城中空金碧雲外僧艤艤人

亡經藏盡屋破龍象泣惟有簡栖碑文字巋然立 山谷集

朱陸 游 見卷五

頭陀寺觀王簡栖碑有感

舟車如織喜身閒獨訪遺碑草棘間世遠空驚閱陵谷
文浮未可敵江山老僧西逝新成塔舊宇東歸正掩關
笑我馳驅竟安往夕陽飛鳥亦知還

劍南集

宋賀

鑄

字方回衛州人元祐七年薦承事郎判泗州又判太平州遷奉議郎復遷朝奉郎著有薦

湖前

後集

登頭陀寺峯頂庵

磴道凌虛挂白虹頭陀上方黃鵠東滄溟五夜沐新日
老木三伏來淒風北夢南雲展張闕縱江橫漢并吞雄

楚鄉絕境此其一付與微吟多病翁

本集

黃鵠山志

卷十二

藝文

十

退補齋藏板

國朝

胡作舟

江夏人康熙庚子舉人

頭陀寺中過夏

清風禪院滌塵襟盡日匡牀偃息深蠹豈知書偏愛字
蟬非有韻卻高吟與僧久住形常懶待客忽來快不禁
爲語鍾期先洗耳好將山水入鳴琴

江夏志

國朝

舒峻極

見卷七

頭陀上寺

山根古寺轟晴暉大比從前更數圍此外更無僧一個

久行惆悵舊禪扉

韋園詩集

頭陀下寺

伐盡松篁賸古藤支撐瘦骨碧雲層日斜影落窳階內
亂走龍蛇見佛燈同上

頭陀寺雲公房步李子侯韻

耽奇特與伴相求啼鳥深林一徑幽霹靂當空飛布下
晴江遠帶暮雲流分題草閣荷裳冷入夜松門雨氣秋
顧我廿年慚一宿天風吹袂欲還留同上

國朝錢桂林見卷十

偕蓀菴諸友由黃鶴樓出漢陽門訪古頭陀寺遺

黃鶴山志藝文卷十一 十一 退補齋藏板

址寺僧小石留飲不果

天風吹我下高樓古寺尋詩輒小留蓮社偶從諸子結
書堂舊是謫仙遊撲簾山翠當軒立繞郭江聲傍枕流
頑石三生偏不記飯鐘依舊似揚州本集

明楚端王諱榮滅正德五年嗣以仁孝著稱武宗表曰彰孝之坊嘉靖十三年薨

宏治庚申父王展祀寢園率昆季恭迓駐蹕

恭迎寶輅郡城東宿衛森嚴霧雨中雲薄層巒連寶刹
秋浮叢樹動金風法堂有象三生悟精舍無塵萬象空
瞻企靈泉起天末松楸遙望鬱葱葱湖北舊聞錄

宏治壬戌奉迎睿駕再駐洪山

仙仗山行日未還趨迎破曉出重關遙瞻雁塔撐斜漢

又爲祇園到此山石洞飛花蒸霧潤春城過雨長苔斑

笑看昔日留題處不用紗籠護壁間 同上

正德癸酉恭祀寢園還經洪山用前韻

寢園展祀駕言還卻訪高僧正閉關雨後新犁耕野隴

春晴好鳥叫空山塵埃不到地偏淨竹院初看筍脫斑

延伫渾忘歸去晚斜陽半闕翠微間 同上

嘉靖甲申歲偕婣家吳世賢都閫游山分韻得風

黃鵠山志 卷十二

字

藝文

七

退補齋藏板

命駕偶游山郭外探禪因訪梵王宮禾稼及時逢好雨

間閭解慍有薰風遠郊但見雲連水幻境因知色卽空

花草含煙饒暮景霓旌遙影月明中 同上

再過洪山

久不過方丈山花傍輦迎聞鐘來法界帶月出宮城江

郭鳥初渡溪橋水漸生參詳師惠遠一笑已忘情 同上

武岡王 諱顯槐端王第三子愍王弟嘉靖四十三年上書條藩政後以攝藩事爲撫臣所奏削祿

嘉靖丙午歲一首

恭承寵命謁親園便道來臨不二門滿路好花開野隴
一犁新雨足孤村雲房清梵音初落草砌荒碑迹尙存
何處煖風吹不斷諸天遊罷近黃昏

同上

聖天子仁篤親親無間存歿吾先妣蒙追封次妃
以戊申歲四月十有九日焚黃禮成藩臬諸司
咸與其事祭畢還謝於洪山漫賦二詩用紀一

時之盛

輪輿出郭動和鈴隴麥黃秋稻正青諡典光華同曉日
羣公揖讓集文星徑深花竹禪房靜地勝雲山仙跡靈
黃鶴山志 卷十二 藝文

三

退補齋
藏板

盛事躬逢知不偶願歌天保答虞廷
步入招提思爽然一時冠蓋集英賢南開殿閣初長日
西看江山欲暮天尊酒醺仙臨鶴舞鉢雲聽法待龍還
芳村田鼓聲高下膏雨應知是稔年

同上

己酉歲一首

地遠人行少山空菊吐花龍涎焚石鼎蟹眼歡團茶僧
定午無梵鴉口口帶霞重過舊遊處慷慨憶年華

同上

庚戌歲一首

禪門一徑寂勝日漫追遊不雨山長潤無風雲自流目

空三楚澗林密四時幽到此忘塵慮勞勞愧未休時予再上

病疏不允故

云同上

管 訥見卷八

贈洪山龍門海禪師侍者真淨

祝髮名真淨從今淨已真誦經常作佛持律定過人江
月中夜山花物外春龍門多寶藏種種是奇珍松風餘韻

夢遊洪山寺

不到東巖閣重來又一年無緣能離俗有夢祇棲禪客
坐茶香裏僧行竹影邊夕陽天未晚幽思滿歸船同上

黃鵠山志

卷十二

藝文

丙

退補齋藏板

和鶴年丁先生宿東巖韻兼呈洪山海禪師

借榻東巖第幾層山中玉舍佛圖澄浮雲過眼甯非夢
清苦前身本是僧齋罷雲扃時聽講詩成雪屋夜懸燈
虎溪有約仍三笑自愧爲官老未能同上

明 葉澤森字蕭九 崑山人

洪山寺影牆雙龍歌

楚江江上山嵯峨蜿蜒詰曲周盤陀東有一峯更蒼潤
金輪宮殿凌滄波滄波千頃互匹練迴眺長江漸如線
紺宇丹樓一徑通雕牆峭壁雙龍現借問此龍胡爲來

云是前朝朱邨開養就神池吞日月呼吸帝座走風雷
鎬壁蒼黃祖龍死塵灰沈沒土花紫瓦礫榛蕪棄道旁
山僧舉手勞相徙憶昔真龍起沛豐手提三尺定羣雄
鯨鯢斬盡封京觀雲夢來游歌大風宮中時報生龍子
錫圭胙土當於此方城爲城漢水池千秋萬歲神明址
朱葛繡瓦倚斜曛楚舞燕歌鎮日聞才人梁苑朝朝雪
神女高唐暮暮雲爲雲賦雪無窮已離宮別館連天起
玉砌金鋪輝日明銅烏鐵鳳飛煙裏一朝蟻賊滿江關
龍去江流竟不還賸有丹青鐫舊壁敗鱗殘甲落人間

黃鵠山志

卷十一

藝文

五

退補齋
藏板

洪山古寺千年築佛火青燐互相續中丞詫現宰官身
塗金釁碧輝林麓卻傳此物委沙泥拂拭牽攜共寶華
從今諦聽空王法此後應忘帝子家嗚呼龍種當時絕
石馬銅駝總荆棘東平樹色秋風靡蜀國鶻嘯春雨血
獨有雙龍護法筵晶熒鮮采炫青蓮任他赤豹元熊鬪
只伴青獅白象眠

江夏舊志

明許大定

爵里未詳

洪山寺

武昌之山甲荆楚左有鳳凰右鸚鵡山勢蜿蜒出東郭

堆雲翠屏更媚斌樹間殿閣隱嵯峨遙望洪山秀如許
憶昔臨濟未開林荆榛雜穢地荒蕪山精木怪紛叫喚
麇馳虺竄鼯鼯舞一自卓錫卸瓢笠紺碧翬飛結靈宇
莊嚴法象坐蓮臺幻想諸天列廊廡有唐如今千歲遙
世運滄桑厯可數斯寺旋廢復旋興刹竿巍然峙今古
支公演偈集緇流夜諷晨參響鐃鼓余偶來遊興勃發
登臨石磴勇可賈清幽法界倚巖壑瀟灑冲襟絕塵土
肅瞻古佛憩龍堂欲尋奇境捫磻戶山椒亭子啓窗牖
縱目遐觀獨延伫南湖水接湯孫湖泛泛漁舟泊洲渚
黃鶴山志

卷十一

藝文

七

退補齋藏板

九宮峰迴阻層霄獅嶺窪窪鶴堪爾汝展眺移時意不窮
躡履高岡趁亭午松篁壓疊翠交加崒嶽浮圖鐸鈴語
瞿曇邀坐語支那細酌甘泉勝鍾乳爐香一炷篆煙微
禪榻蕭閒任容與到此思欲脫朝衫跼踏人間亦何苦
留連曛黑始言旋回顧天花落如雨

江夏舊志

明
哀中道

見卷八

游洪山

醒卻穠華夢來爲冷石游紆迴緣綠嶂枕藉見紅樓雪
淨江天靜林煙沙渚浮倚闌神頓爽信矣癖山邱

本集

國朝
馮廷樾見卷七

游洪山

岸幘臨楚崖攜筇入雲岫土潤泉水肥木脫山容瘦江
郭多葦蘆人家闕圭竇花放黃州菊果熟雲夢柚到山
蠻童迎入寺僧雛候粥鼓響諸天法雨飛晴晝古碑龜
趺缺老樹龍鱗皴宛轉達山脊突兀凌雲構峯高千盤
曲徑危兩崖鬪石裂蒼蘚合草枯古藤壽陡覺踪跡絕
自闢古今宙下瞰南湖山厯厯入吾殼萬馬爭鬪決羣
龍相奔湊鴻濛列畫屏造物工雕鏤頓悟法界寬一洗
黃鶴山志

卷十二

藝文

七

縣補齋
藏板

梵咒

湖北舊聞錄

國朝

施閏章

字尚白號愚山宜城人順治己丑進士官江
西布政司參議康熙己未召試博學鴻詞

官翰林院侍讀
著有愚山詩集

登江夏洪山寺塔

峯頭開古寺塔下俯浮雲山勢龜蛇鬪江流沔漢分柳
荒陶侃廟風競伏波軍南望湖光白鴻歸渡夕曛

本集

國朝

陳廷敬

見卷八

雪中獵洪山

使君千騎獵圍長雪夜風流在武昌爲報襄陽耆舊語

呼鷹臺上笑劉郎 本集

國朝 阮玉堂 見卷八

庚戌仲冬偕吳陸瞻洪山

人影小亭外蒼茫對夕暉山明寒月上樹靜晚風微斷
草迷樵逕荒煙暗野扉離愁終莫釋把酒且休歸 本集

國朝 熊賜履 見卷八

洪山

鄂渚東迤山勢儘長江瀑練帶溪澗四圍翠嶂迴南紀

黃鵠山志 卷十二

藝文

大

退補齋藏板

一抹巒烟下塞鴻亂後同悲湘水咽老來歸夢楚雲通

萬松阿閣風翻否布襪何年上九變 經義齋集

國朝 劉朝英 字千夫三韓人知江夏縣事廉明清慎捐貲課士刊有楚雄編康熙二十二年重修邑乘

以疾卒於官

登洪山寺

手板朝朝興未窮秋來躡屐到龍宮金銀氣色寒郊外

樓閣參差暮靄中塏勢欲飛初罷磬禪心方定一聞鐘

誰言世出蓮花國卻是城頭姑射峯 江夏志

國朝 崔應階 字若升號拙園江夏人以父相國官處州總兵二品蔭生官至山東福建巡撫閩浙總督

進太子太保卒年八十一
有三著有拙園詩草

上元同友遊洪山寺限韻

天際青浮一抹山琳宮遙在翠微間尋芳人共春攜展
習靜僧常晝掩關檻外雪消湘水綠簾前鶴睡楚雲閒
於今鐵鎖開魚鑰雁塔何妨趁月攀同上

國朝顧景星見卷五

上元日同嫺兒燕邱兒子昌訪洪山巖公山在城
東南五里寺名寶通大司馬三韓張公方伯石
城徐公脩於康熙丁巳戊午歲金碧洪麗武昌

黃鵠山志

卷十一

藝文

九

退補齋藏板

諸刹第一

五里浮圖嶺精藍訪惠師路乾春雪後到及午鐘時間
法天親共山陰寒溪輪公適在呼朋野興宜散燈明瑞相兕鉢具
威儀軍旅仍工庇經綸嘆爾為護生緣佛力浩劫自僧
祇似益湖山麗如逢湧地奇花拈迦葉座草放苾芻池
嗜酒陶元亮能詩江總持何當塵累盡空濶任吾之本集

國朝陳大章見卷八

洪山四詠

寺門古松何曩嵐云是鄂王手親植虬枝累劫未成灰

鐵幹參天原自植六陵花鳥久成空剩水殘山夕照中
莫更南枝分背向蕭蕭大樹總悲風

逢逢鼓聲聞十里江濤怒捲蛟龍徙自從遼海到天南
萬里腥風匝初地寶宮法物故依然金戈鐵馬記當年
試向雲林開淨梵一時花雨滿諸天

創始傳自貞觀朝騎虛鑿空結構牢仰穿漸出幽撐杪
俯瞰忽與浮雲高渺渺廢興知幾代目擊橫流滄海外
徑須搔首叩青天愁聽風鈴語茫昧

出郭聊爲一日閒禪宮高倚翠微間濤聲遙撼三江口
黃鶴山志

卷十二

藝文

三

退補齋
藏板

嵐氣平開八分山古殿龍蛇昏白晝中田雀鼠走頽闌
晚來更躡浮圖頂咫尺青霄路可攀

王照亭詩鈔

舒峻極

見卷七

洪山寺

雨餘芳草踐成泥鷺嶺春深信仗藜松憶岳飛前代樹
寺有岳武穆手植樹今不可考
苔荒洪武御碑題風塵車馬人無盡寂
寔樓臺日易低極目洞庭波浪闊楚雲多處更淒淒

韋園

詩集

登洪山寺塔

何代浮屠倚碧岑，亭亭十仞此登臨。雲間帆影來湘漢，樹外僧鐘自古今。晴望遠峯斜兩腳，江含白日動波心。應知呼吸通帝座，吹盡風煙萬里雲。同上

國朝韓奕 字竹里，漢軍人，累官江西督理糧驛道。

洪山寺遠眺書懷

春初花見嶺頭梅，檻外雲飛去復回。渚口風聲穿樹出，荆門山色隔江來。瀕湖野燒連烽起，落日孤帆帶霧開。天塹自經多戰後，不堪更聽楚猿哀。熙朝雅頌集

國朝王為壤 字青原，龍陽人，康熙癸酉副貢，著有臨沅集。

黃鵠山志

卷二

藝文

三

退補齋藏板

登洪山寺塔和黃碧村太史

振衣直上七層巔，碧檻憑危四望懸。烏負青雲來繞足，人同白晝去登仙。霸圖南服餘三戶，勝概西樓只一拳。極目長空何所繫，判將身手欲支天。沅湘耆舊集

國朝吳元俊 字千人，號鹿泉，江夏人，乾隆丁酉副貢，授辰溪教諭，年八十卒於官，著有香浮堂集，相規堂集，鹿泉集等書。

洪山寶通塔後石壁所勒趙清老遺文

有引

癸酉歲春，王子元士偕友登眺洪山，步過石壁

見其上鉤畫濛濛，摩視久之，因浣剔積蘚，細加

揣想由半字而推全字隨上義以貫下義遂得
完篇仍還舊跡計一百八十喻六字梓之以傳
予覽而嘉之爰賦此詩以俟後之採山者

古人鍾奇情山谷結永好歲改十餘世苔蝕字未耗予
昔攻制科僧房借炊竈殿塔頻經行此壁罕一造固緣
荆榛荒尙囿識器躁每便東巖趨閒行鶴樓眺雲根諸
佳名無復曉者告今賴一人知庶足千年報樓亭俱後
起慶元西漢號慰彼趙右軍精英久彌邵何日續勝游
勇往酬老耄片石鐫塔前奚啻若口道邑乘雖缺然後
黃鵠山志 卷十一 藝文 三
退補齋藏板

賢補其要

江夏舊志

國朝 劉涪

見卷十

登寶通寺

罡風吹到九霄來塔頂搖搖勢欲摧疊嶂有靈橫地出
長江如線晝天開吾生幸得觀三楚此筆曾經賦五臺
久客悲秋殊潦倒盛年空負菊花杯

本集

國朝

徐儒楠

見卷十

偕陳芝亭

抗希 陳彤階

星輝 兩茂才遊洪山寶通

寺弔彭烈婦

有序

彭黃氏江夏人其夫鸞翠鈿夫死之後矢志柏舟父母欲奪而嫁之一日洪山勝會烈婦挈女伴往遊行至中道忽大步如飛上寶塔第七層墜地而死其舍生取義至今人猶能言之

寒食花飛共賞春羣知塔上有傳人洪山一片淒涼月照見當年血化燐

楚江一帶水長流烈婦芳名永不休爲問貪生忘義者至今誰道姓名不

本集

國朝譚溥見卷七

黃鵠山志

卷十一

藝文

三

退補齋藏板

次韻胡嶰樵登洪山有感兼贈蔣香泉二首

時艱振策此攀留草樹荒涼起客愁雲裏尙餘殘塔影

吟邊空對古城秋羅羅山方伯殉難關山有夢收羣醜香泉前夜事

文酒何心紀勝游計日危崖摩字去聲威應併在峯頭

刊蔣香泉屯兵處六字於北山石壁

戎軒多少舊班行楚國掄才接古狂隴首擒狼舒酒待

山根盤馬逐雲忙三邊武帳千屯肅十載雄心一劍霜

西路使兵乘夜出茶山葛店想飛揚是夜剿賊至葛店乃止

國朝伍肇齡見卷十

五月廿三日月樵都轉邀同鹿仙白英兩觀察遊

長春觀寶通寺卓刀泉諸勝再疊前韻

朋簪間日尋佳勝蕃廡郊原閱百昌翠巘浮圖標石級
琳宮小院汎霞觴江雲鬱起迎初伏湖水漣漪匝四旁
更試卓刀泉一勺風生兩腋興增狂

本集

國朝何璟

字小宋香山人道光丁未進士由翰林轉御史官至山西江蘇巡撫署兩江總督

崧生復遊長春觀寶通寺卓刀泉諸勝作詩見示

再疊前韻

城東景物堪遊覽浩蕩郊原百卉昌繞郭山橫青步障

黃鶴山志

卷十二

藝文

三

退補齋藏板

登樓人醉紫霞觴風飄梵唄諸天上雲護靈泉大道旁

連日雨餘炎暑退多應仙佛助清狂

本集

國朝彭瑞毓

見卷十

楊柳橋范符堂兩先生置酒於洪山寶通寺邀費

雲階袁筱菴范衡甫及余作踏青之遊歸途遇

雨得詩四首

麥田鬧蛙鼓綠柳藏朝暎幽人載美酒約我出東門入

寺鐘猶寂登塔雲可捫山僧知客到方丈具雞豚

開軒挹爽氣把酒話滄桑作賦推唐傑

謂柳橋先生

長歌笑

楚狂于醉後

有舟思共隱謂范氏

無雪卧猶涼謂袁恰

似登高日邀來費長房

謂雲階先生

隔岸聞鳩喚輕雷傍九霄雲來花影寂雨過水聲遙樹

密炊煙杳涼生酒力消肩輿過隴畔簔笠隱烟苗

冒雨行不得僕夫道上譁相將越隴畝避入野人家輕

松侵肌溼方巾折角斜老農迎客笑甘雨賴隨車

本集

劉國香見卷六

九日游黃鵠初阜

按大洪山即黃鵠初阜宋荆湖制置使孟珙隨人奉大洪山靈

濟慈忍師佛足於此遂僑名焉而黃鵠山僅屬高觀山一節六百年來山靈叫屈矣惜懂地師

黃鵠山志

卷十一

藝文

三

退補齋藏板

乃謂阜系大洪出脈則尤不值一噓詩以正之

洱海來龍三萬里北抵桃尖還迤邐陂陀蜿蜒直西駛

八分靈泉隨鞭筆叫跳雙峯入雲裏勁氣磅礴鵠磯背

江漢交并脈割止省垣三面中流砥全楚形勝了可指

古今王霸據者幾何物紅羊洪秀泉楊秀清粵中起嬰城營營

紛蚤蟻鼠牛虎兎龍躔尾前攻曾塔後羅李眾踣其足

文忠倚禽獮草薙腥臊洗是山寸寸皆壁壘呀谷谿岨

填萬鬼佛力不救劫灰死鼉鼓遁逃壁龍徙紺宇珠宮

委礮矢宋碣元碑無完理九日同人訪故址碎礫斷鏃

叢榛杞疏寮補茸勃可以剎竿禿立風旛纏衲眾鏡鼓
佛前禮梵唄駮空猶潮水浮圖去天尺有咫隋壁捫行
石齒齒著磴外垂二分趾草樹冒頹蝶入耳一上再上
人重累如木升猱磨附蟻置身其巔心狂喜俛視鶴樓
翻在底四山木葉飛紅紫南湖水淺清且泚鳧雁墨點
沈菰米迴頭破碎見梁子奈何塞竇禁行履自厓而返
曷能已吁嗟乎寶通寺名錫楚邸崇甯萬壽古如此大
洪喧奪黃鵠聒文人廓摧武無比初阜擘窠書大紙還
山眞面從此始

本集

黃鵠山志

卷十二

藝文

三

退補齋藏板

國朝

錢桂林

見卷十

辛未九日偕同局諸子出小東門自東嶽天齊行
宮尋岳廟遺址遂登洪山絕頂追弔羅忠節公
而返小憩長春觀日晡入城痛飲會仙酒樓極
數年重陽未有之樂卽事率賦示同人

丈夫四十不擁旄陳編竊盜徒鋪饋佳節荏苒逢題糕
少昊行秋日月慆有山負郭遲吾曹屐齒不到非人豪
精神抖擻驅輪尻扶攜老穉步東臯哀鴻送響寒蟹號
纖埃不動碧天高初尋嶽廟覽週遭鬼物刻鏤紛蝟毛

樹攢長劍山橫刀到此難爲莽與操岳侯遺像翳蓬蒿
牧豎躑躅狐狸嗥一盞疇薦澗溪茅摩挲殘碣心忉忉
眼前突兀撐岬嶠東巖雙挺大小勞靈濟古塔冠巨鰲
滅頂曾經兵火塵琳宮草樹鬱樛樛耳根髣髴鏗雲璈
賈勇誕登氣不撓趨於俊鶻捷飛猿藤枝刺眼石鈎袍
蒼鼠驚竄山魃逃高處立腳難堅牢俛瞰下界窮秋毫
天風浪浪聲刁颯依稀古松翻銀濤側身四望增鬱陶
愁緒絲棼不可縷鼉鼓龍壁英光韜青冥欲問首頻搔
憶昔逆氛張楚檣元戎駐軍屬韃囊士飽而歌馬騰槽
黃鵠山志

卷十二

藝文

七

退補齋
藏板

江城立見滌腥臊禍機潛發傷伏攷遺黎先笑終號咷
隴西踵起如連鑣謂李壯武遂拔其柵埋其壕蝨賊屏除蕭
稂莠至今始息役車馨比戶按堵狗生釐繁公之德吾
儕叨詔卽其地祠以褒村翁伏臘獻魚羔年深棄置等
弁髦梵宇乃反塗金膏世俗貴佛賤夔咎頽波振古流
滔滔回首斜照滿青笏下山俯仰如桔槔歸途迤邐翔
且翺僊觀重訪元都桃人生稊米寄連敖圍腰底用錦
垂繚酒樓菊釀熟香醪右手把盃左持螯徑須爛醉從
酖醕明年此會復誰料

本集

國朝
胡鳳丹

游洪山八疊前韻

古寺荒涼經浩劫雄城高築勝韓昌

山畔土城如帶藍朗亭軍門所築也

林泉變作干戈地金粉摧成瓦礫場空際層嵐新雨後

燼餘焦土夕陽旁無情芳草連天碧惹得蜂狂又蝶狂

退補齋詩存

國朝
王柏心 見卷十

過長春觀鹿泮鍊師乞詩

山川俯仰劫灰餘傑觀重開闡苑居紫府瓊臺仍縹緲

黃鶴山志 卷十二 藝文 天 退補齋藏板

元都金闕故清虛真人天際蒼龍佩羽客雲中白鹿車

欲乞仙靈功度世大千兵氣與銷除

神仙自有揚州鶴 師雜揚人 詞客原非柱下龍擬叩延年丹

竈訣相邀留句白雲峰氛塵不變蓬萊境霄漢誰窮汗

漫蹤名姓煩師按真錄可能金骨換凡庸 漆室吟

詞附

宋王

質

字景文興國人紹興三十年進士官至樞密院編修出通判荆南府改吉州著有詩總聞二十卷雪山集十六卷

水調歌頭

中秋飲南樓呈范宣撫按吳船錄此詞乃范成大作

細數十年夢十處過中秋今年清夢還在黃鶴舊樓頭
老子箇中不淺此會天教重見古今一南樓星漢淡無
色玉鏡倚空浮帶秦煙紫楚霧冥江流關河離合南
北依舊照清愁想見姮娥從笑我歸來霜鬢空做黑貂
裘把酒問清影肯去伴滄洲雪山集

黃鶴山志

卷十一

藝文

无

退補齋藏板

無名氏

漢宮春

武昌瀕江有黃鶴樓一日有題漢宮春於其上不知何人所作或言洞賓語也後二年已未大元渡江

橫吹聲沈倚危樓紅日江轉天斜黃塵邊火瀕洞何處

吾家胎禽怨半夜乘風元露丹霞先生飛空一劍東風

猶自天涯情知道山中好早翠巖含隱瑤草新芽青

溪故人信斷夢颺車乾坤星火歸來兮煮石煎砂回首

處幅中蒲帳雲邊獨吠桃花盛庶齋老學叢談

黃鶴山志卷十二終

男宗彥校字

